

اقتصادیات

تورکیه ده زراعتک استقبالی

برقاج سنه لك عدم موفقیت و ضرر لر دن صکره اك نهایت تورکیه ایچون ده موفقیت کونلری حلول ایتدی . بومدت ظرفنده کویا هرشی محض عثمانلی ایمپراطور لغنی و آنکله برابر تورک ملتنی محو ایده جک بر صورتده جریان ایتمش ایدی ، هزیمتلی کوروبده جسارتسزک و بدینلکه طوتیلیمش اولان برچوق دولت آدملی ایسه مملکتک خلاصی ایچون هر درلو امیدلری غائب ایتمش ایدیلر .

عثمانلی اردوسی ، جسورانه بر حرکتیله ادرنه یی تکرار ائده ایتدی . آوروپانک بتون تهدیدلرینه قولاق آصیبوب بولغارلره یکی بر حدود خطی قبول ایتدیردی . بیوک بر اهمیت سیاسی یی حائر بولونان بو حرکتک جهت مغویه ده کی اهمیتی ده ا بیوکدر . بو حرکتله تورک ملتک بیوک بر جسارته و جانلی بر تشبث اقتدارینه مالک بولندیغی اثبات ایدلشدر . ذاتاً اولومه محکوم اولان ملتله ، آنجق حیاتده جسارتلری سونمش اولان ملتدر . بر ملت ، جسور مجاهدلر یتیشدیردکجه یاشار و ده ا پارلاق بر استقبال ائده ایدیلیر .

بن ، چوقدن بری ، قارئلرمله تورکیه زراعتک استقبالی حقنده قونوشمق استردم . فقط مملکتک حالی اودرجه فقیر و قرانلق ایدی که بویله آجیقلی بر حرمده ذهنلری ، مساعد زمانلرده یاییلمسی ممکن اولان شیلرله مشغول ایتمه یی مناسب بولمادم . فقط آرتق تورکیه زراعتک استقبالی برقاج جمله ایله توصیف و ایضاح ایچون کال اشتها ایله قلمه صاریله بیلیرم .

لکن استقبالن بحث ایتزدن اول ، ماضی حقنده برقاج سوز سویله مک ایستهرم .

تورکیه ایمپراطور لغنده حکم سورن اقتصادی ، مدنی و سیاسی توقف و تدنیک اسبابی حقنده بک چوق شیلر سویلندی و یازلدی . بو خصوصده برچوق معقول

وطوغری فکرلر درمیان ایدلمکله برابر سویلهنن شیلرک کافهسی، عین درجهده معقول و طوغری دکل ایدی . اسباب تدنیدن برینه باخصوص الک زیاده حائر اهمیت اولان سببه شمعدییه قدر تماس ایدیهمدی . بو سبب نه سیاسی، نه مدنی، نه دینی جهتلرده دکلدر . بوراده نه خصائص ملیه، نه ده بوویا شودولت آدمک خطاوسو، نیتلری موضوع بحث دکلدر . بئم سویله مک ایسته دیکم سبب، صرف برماهیت اقتصادییه حائردر .

بن، بوراده ذخیره فیاتنک نزلدره بحث ایتمک ایسته یورم. بوتنزل اون طقوزنجی عصرک نصف اخیرینک اوصاف ممیزه سندندر .

تدنی سیاسی و افکار باطله نك تاثیرینی ادامه ایدن جهالت و شوشه و دمه میر یوللرینک فقدانیه برابر بین الملل بازارلرده ذخیره فیاتنک نزلی ، تورکیه ده ذخیره اخراجاتنک ترقیسنه و مملکتده قواعد فیهیه موافق اصول و آلات واسطه سیله زراعت اجراسنک تعممنه مانع اولمشدر .

ذخیره فیاتنک نزلی ، یالکز تورکیه ده دکل ، بوتون آوروپا اوزرندهده اجرای تاثیر ایسکدهدر . بو تنزل صنایعی ترقی ایتمش مملکتلر ایچون فائده لی ایسه ده زراعت مملکتلری ایچوره صوک درجه مضردر . معلوم اولدینی اوزره ذخیره فیاتنک نزلنه باشلیجه سبب ، شمالی آمریقانک غایت واسع و مثبت اراضیسندن زراعتنک پک زیاده ترقی ایلمسیدر . بو اراضی، آتی بدایتده زرع ایدنلره کلفتسزجه مال اولمشدی . (۱۸۶۰) سنه سنده آمریقای شمالی داخلته ذخیره نك بر بوشل [۱] ی، (۵۲) هجرت ه [۲] صاتیلمقده ایکن (۱۸۸۹) سنه سنده (۲۸۰۳) چهنه قدر ، (۱۸۹۶) سنه سنده ایسه (۲۱۰۵) چهنه قدر تنزل ایلمشدر . والحاصل ذخیره فیاتی یاری یارییه تنزل ایتمشدر . آمریقای شمالی جمهوریتلری ، آوروپانک صنایع مملکتلرنده کی ذخیره بازارلرینی ذخیره ایله طولدیره رق مذکور بازارلره ذخیره اخراج ایدن دیگر زراعت مملکتلرینی رقابته بوغمشدر . آوروپاده کی صنایع مملکتلری ایسه، کندیلرینی آمریقانک رقابته قارش

[۱] آمریقانک اوتوز بش لیتره لک ذخیره مقیاسی .

[۲] چهنه ، دولارک اقسامندن اولان بر آمریکا سکه سی که تقریباً (۱۰) بارهیه معادلدر .

مدافعه ایچون خارجدن کلن زراعت محصولاتنه آغیر کمرک رسومی وضع ایتمک
باشلا یه رق ذخیره اخراجاتیله اشتغال ایدن زراعت مملکتلرینی دها زیاده متأثر
ایشلردر. ایشته اون طقوزنجی عصرده روسیه زراعتک بطی بر صورتده
ایلریله مسنی موجب اولان سیلردن بری ده بوایدی. اوزمان روسیه ده اراضی
واسعه صاحبی بولنان زادکانک کویلیلری آزاد ایتدکن صکره زراعتده قواعد
فیهیه موافق اصول آلات وادوات تطبیق ایتمک خصوصنده کی تشبثلری بوسیدن
طولایی عقیم قالمشدی.

حال بوکه بو شرائط تحتنده تورکیه کی ذخیره اخراجاتی ابتدائی بر حالده
بولنان مملکتلرده بویله اساسلی بر اصول زراعتک تطبیقی قطعاً ممکن دکلدر.
کافی درجه ده زنکین تجارتی اولمادقچه و صنایع مرکز لرینه ذخیره اخراجاتی وقوع
بولمادقچه بیوک سرمایه استعمالنه محتاج بولنان یکی اصولده زراعت اجرایی
قابل دکلدر. تورکیه ده اخراجات عظیمه نک نه دیمک اولدیفنی ایجه بیلنم دیکندن
آنک اهمیتیه ده تقدیر ایدیله مه مشدر.

مسئله یی شویله بر صورتده وضع ایده لم : ذخیره فیائی یاریم عصر ظرفنده
تنزل ایده جکی یرده ترفع ایتمش اولسه ایدی ، اوزمان زراعتک (تارالارک)
توسیعنده ، زراعت ما کنه لرینک استعمالنده دها بیوک فائده اوله جفی قولایمجه
آکلاشیله بیلردی . بو ایسه ، مملکتده زراعتک ترقیسی ایچون بر سائق
اولوردی .

ذاتاً بوکون مملکتده مشاهده اولنمقده بولنان شیده بودر. یکرمنجی عصرده
ذخیره فیأئنده کی ترفع میلی قولایمجه آکلاشیلمغه باشلامشدر . بونک نه صورتله
جریان ایتدیکنی بوراده ذکر ایتمک اوزون بر مسئله تشکیل ایدر . ذخیره
فیأئنتک کیتدکجه ترفعه متمایل بولندیفنی هر کسجه تصدیق ایدلمکده اولان بر حقیقتدر.
شبهه سز هر بر سنه طرفنده ذخیره فیائی ، اوسنه محصولاتنک درجه
مبدولیتته کورمدر .

ذخیره فیأئنتک تنزل و ترفعنده بر تردد حکم سورمکده اولوب بو صورتله
طالغه شکلنده بر حرکت حصوله کلکده در . شویله که بر سنه فیأئتلر یوکسک ،

دیگر سنه آشاغیدر . لیکن عصر لر ظرفده عین حال جریان ایتمشدر . ماضی ایله حال آرمسنده کی فرق شودر که ماضیدن بر قاج سنهک بر دوره نظر دفته آلدینی تقدیرده فیاتلرک تنزل ایتمکده اولدینی آکلاشیلیر . حال بوکه شمعی بالعکس فیاتلرک ترفع ایتمکده اولدینی کوریلیر . بوکون ذخیره نک وسطی فیاتی (۱۸۹۰) سنه سنده کی فیاتلردن دها یوکسکدر .

بنام علیه تورکیه ده زراعتک فوائد مستقبله سی ، ذخیره فیاتنک ترفعی یوزندن تأمین ایدلمش اوله جقدر . تورکیه ده زراعت اربابی ، زراعتده اصلاحات اجرایی و ماکنلر استعمالی ایچون صرف ایدیله جک سرمایه لرک آز وقتده تلافی ایدیله جکلرینه کووه نه بیلیرلر . زیرا آنلر ، دها یوکسک فیاتله صانه بیله جکلردر . بوندن ماعدا اراضی فیاتنک ترفعی ده امید ایدیله بیلیر . بوايه ارباب زراعتک اعتبار مالیتنی دها زیاده توسیع ایچون میدان آچقده در . معافیه شوراسی ده اونوتیلما میلدیر که یوقاریده کی حسابلردن آکلاشیلدیغنه کوره ، بوکی امیدلرک طوغری حقیقما سی خلیجه اوزون برمدته محتاجدر . اگر بتون امیدلر ، اک یقین سنهک بوللغنه حصر ایدیله جک اولورسه ، بواسالی برزراعت تشکیل ایتیموب برقرار اویونی حالنی آلمش اوله جقدر . بعض سنه لر ، احوال اویله غیرمساعد برصورتده جریان ایده بیلیر که سزک مملکتکیزده محصولات مبذول اولمازده دیگر مملکتلرده ذخیره بول اولور و بویوزدن ذخیره فیاتی تنزل ایده بیلیر . اوزمان سزک آز اولان ذخیره کزی اوجوز فیاتله صاتمکزه مجبوریت حاصل اولور . فقط حد اصغری اوله رق اون سنهک بر دوره ایچون حساب بایلدقده ذخیره فیاتنک ترفعندن تماماً امین اولته بیلیر .

بوتزاید تمایلی یالکیز ذخیره فیاتنده مشاهده اولنیموب دولت عثمانیه نک بعض جهتلرنده بیوک براهیتی حائر اولان پاموق محصولاتنک فیاتی ده ترفع ایتمکده در . زراعتک شعبات مختلفه سندن استحصال ایدلمکده اولان سود ، یاغ ، اُت ، یمورطه ، ینیر و الخ کی شیلرک فیاتلرنده دها اهمیتلی برتزاید وقوع بولمقده در . زراعتک بوشعبه لرنده بیوک سرمایه لر استعمالی ایله قواعد قیعی تطبیق ایتمکده کی فائده در حال آکلاشیلیر .

تورکیه زراعتی ایچون بیوک براهیتی حائز بولان دیگر واسع بر ساحه‌دها واردرکه اوده میوه یتیشدیرمکدر . یورتقال ، خرما ، انجیر ، قوری اوزوم ، جویر ، تازه اوزوم اخراجاتی تورکیه اخراجاتنده دها شیمدیدن بیوک بررول اوینامقدهدر . بوکون میوه اخراجاتی ، تورکیه اخراجات عمومیه‌سنک یوزده یکر می ایکسینی تشکیل ایلکدهدر .

اخراجات مذکوردهن حاصل اولان بیوک مبلغ هیچ بر مملکتک میوه اخراجاتندن حصوله کلمه مکدهدر . (۱۳۲۶) سنه‌سنده تورکیه‌ده وقوع بولان میوه اخراجاتی (۴۹۰،۴۴۹،۴۹۹) غروشه بالغ اولمشدر . آوروپا و آمریقاده شهرلرک بیومه‌سی ، شهر وقصبه اهالیسنک قوه اقتصادیهرینک انکشاف ایلسی ، اوزاق مسافهلره قدر نقلیاتک اوجوزلامسی وقونسروه اعمالاتنک ترقیسی اوزرینه میوه اخراجاتی‌ده زیاده‌لشمکدهدر . شهنسز ، دولت عثمانیه‌ده زراعتک بوشعه‌سنی ایچون‌ده پارلاق براستقبال آچیلماقدهدر . تورکیه زراعتی استقبالتک کسب ایدمجهکی حالی شمیددن رقتلره اراثیه تشبث ایتمک ، مضر بعض خطالری موجب اولابیلیر . تورکیه‌ده اراضی اوله‌رق کلیتلی مقدارده اراضی موجوددر . فقط عثمانلی ایمپراطورلنی بک‌اسکی مدنیت یتاغی صاییلان بعض قطعه‌لری احتوا ایتمکده ايسه‌ده اراضی جهتندن تورکیه ، اراضیسنک قسم کلیسی زراعت ایدیلن دیگر مملکتلره بکزه‌مز . آلمانیا ، انکلتزه‌کی اراضیسنک درتده‌بری زراعت ایدلمکده بولان ضایع مملکتلرندن صرف نظر ، روسیه‌نک آوروپا قطعه‌سنده‌کی اراضیسنک یوزده قرقی ، هندستان غریبده اراضینک یوزده اوتوز بشی زراعت ایدلمکدهدر . آسیای عثمانیه‌ایسه (زراعت نظارتنک ویردیکی معلوماته کوره) اراضینک آنجق یوزده (۲۰۸) ی زراعت ایدلمکدهدر .

حال بوکه بو زمانده دیگر مملکتلرده برپارچه اراضی ایچون دهشتلی مجادله‌لر اجرا ایدلدیکی حالده ممالک عثمانیه داخلنده غایت واسع ومنبت اراضیدن استفاده اولنیور . بوراده اصل مسئله اراضینک نرهدن تدارک ایدیله‌جکی کیفیتی دکل ، اراضی ایشلتمک ایچون لزومی اولان عمله‌نک نرهدن تدارک اولنه‌جنی مسئله‌سیدر . اگر آوروپاده‌کی احوال نظر دقته آلیرسه بومسئله دخی بشقه بررنک کسب ایدر .

مجاربه به قدر تورکیه اهلینسک مقداری اقل اوله رق (۲۶) میلیون عبارت عد
ایدیله بیلردی. ینه اوزمان مملکت داخلنده زراعت ایدیلن اراضینک مقداری ایسه،
(۹۳) میلیون دونمدن عبارتدر. بوصورتله آدم باشنه (۳۰۶) دونم تارلا اصابت
ایتمش اولیور. بو، شایان حیرت درجهده آزددر. اصول زراعتی ترقی ایتمش
مملکتلردن صرف نظر، حتی روسیه نك آوروپا قطعهنسده کی اراضی نسبة هنوز
ابتدائی بر اصولده زراعت ایدلمکده اولدینی حالده بر فرد باشنه (۲۳) دونم
مزرورع اراضی اصابت ایتمکده در. دیمک روسیه نك بوکی شرائطی داخلنده بیله
ینه او مقدارده انسانلر، تورکیه ده کیلردن آلتی دفعه دها زیاده اراضی زراعت
ایده بیلورلر.

آلمانیاده کویلی زراعتک مقداری پک چوق اولدینی حالده زراعتله اشتغال
ایدن (قادین وایشی چوجقار دخی بو عدده داخل اولدقاری حالده بر فرد
(۳۵) دهقار اراضی اصابت ایلمکده در. مجارستانده آدم باشنه (۳۴) دهقار،
انگلترده (۸۴) دهقار، ایرلاندده (۶۵) دهقار، آمریقای شمالیده (۱۶۰) دهقار
اصابت ایلمکده در. اگر آسیای عثمانی اهلینسک مقداری یکرمی میلیون اولقی
اوزره حساب ایدیله جک اولورسه، زراعته مقتدر اوله جق انسانلرک مقداری
اون میلیونه بالغ اوله بیلیر. یوقاریده کی رقم نظر دفته آله جق اولورسه بو اون
میلیون اهلینک شوقدر اراضی زراعت ایده بیله جکلری ادعا اوله بیلیر:

- ۱) آلمانیاده کی وجهله اولورسه (۳۵۰) میلیون دهقار
- ۲) مجارستانده کی " (۳۴۰) " "
- ۳) انگلترده ده کی " (۸۴۰) " "
- ۴) ایرلاندده ده کی " (۶۵۰) " "
- ۵) آمریقای شمالیده " (۱۶۰۰) " "

قارئین کرام آوروپا مدنیتندن بحث ایدلدیکی زمان بونک هر بر مملکتده عین
درجهده اولمدیغنی کورپور. بناء علیه کندی مملکته کرک فن عسکری کرک
پارلمنتاریزم، کرک زراعت و کرک صنایعه دائر آوروپا اصولی ادخال ایدیله جکی
زمان هر دولت آره سنده مدنیتجه اولان فرق ایجه تدقیق ایدلملیدر.

بزی بوراده اڤه زیاده علاقه دار ایدن تورکیه زراعتک انکشافی مسئله سنه
عودت ایدیورکن شو حقیقتی سویله مک اقتضا ایلر.

بوکون دولت عثمانیه داخلنده موجود بولسان اهلینک مقصداری، ممالک
عثمانیه زراعتی، آوروپا اصول زراعیه سنی تطبیق ایتک شرطیه بر قاچ دفعه
توسیع ایتک کافیدر. اگر خارجدن کله جک مهاجرلر، مملکتده نمونه امثال
اوله جق درجه ده مکمل بر اصول زراعت تطبیق ایده جک اولورلرسه، تورکیه ده
زراعتک ترقیسی خصوصنده مهم بررول اوینامش اولورلر. فقط تورکیه بویله
بر مهاجرت محتاج دکلدرد. کنیدیسی بو خصوصده مستملکه حالده بولسان مملکتلره
بکزمکده در. بوراده اصل وظیفه، مملکتیه اجنبی جلب ایتک دکل، یرلی
اهالیدن عالم زراع یتیشدیرمکدر.

بوکون تورکیه ده زراعت ایدلمکده اولان جزئی مقدارده اراضی بی اوروپا
شرائط اشتغالیه سی دائره سنده ایشتمک ایچون تورکیه ده زراعتله اشتغال ایدن
انسانلردن بش آلتی دفعه ده آرمقدارده انسان استخدام ایتک اقتضایده جکدر.
بناء علیه کویلر، ایشسر آدملرله طولو قالیور دیمکدر. فوق العاده واسع اراضی
ایشله تیلیمه مش بر حالده قالدینی کبی کلیتلی مقدارده انسانلرده ایشسر و کچینمکدن
عاجز بر حالده بولمقدردر. اراضی بوش دوریور. انسانلرده فقر و ضرورت
ایچریسند یو واران یورلر. ایشه اصل اوزمان خارجه هجرت چوغالیور.

برچوق انسانلر، واسع دکزلری آشهرق تعیش چاره لری آریورلر. حال بوکه
عین زمانده آنلرک مملکتلرنده هیچ دو قونیلماش و کلیتلی مقدارده اراضی
ایشله تیلیمه بوش بر حالده دوریور. فقط مهاجرت دیگر برشی ده کوستریور.
اگر عرب، ارمنی، کرد و یا خود تورک آمریقا ده آزمدت ظرفنده آبی ایشچی
اولیورلر ایه بو آدملر مناسب شرائط تحتنده اوله رق نیچون کندی وطنلرنده
آبی ایشچی اولسونلر؟

بین الملل بازارلرک ترقیسی و ذخیره ایله دیگر محصولات زراعیه فیأ تلرینک
بوکسلمسی اوزرینه تورکیه زراعتنده بیوک سرمایهلر استعمالی و قواعد فیه یه
موافق اصول و آلتلر تطبیق دها فائده لی اولیور. حال بوکه مملکتده موجود

اولان کلیتی مقدارده ایشله تیلیمه مش اراضی و ایشله مکه مقتدر فقط ایشسز غایت چوق انسانلر ، تورکیه زراعتک شایان حیرت درجهده ترقیسی امکاتی تأمین ایدن شیلردر .

تورکیه اوزون مدت دوام ایدن موفقیتسزلکلر نتیجهسی اوله رق ذهنلری استیلا ایتیش اولان بدینلکه رغماً ، ممالک عثمانیهده زراعتک ترقی وانکشافی دوره سنک حلول ایتیمکده اولدیغنی تأمیناً بیان ایده بیلیرم .

شبهه سز ، ده میر یوللره و دکزلره یقین اولان یرلرده زراعت دها بیوک برسرعتله ترقی ایلجه جکدر . آسیای عثمانی نك مراکز داخلیه سنده انشا ایدلمکده اولان ده میر یوللردن بشقه اوحوالیده کی اهلینک ده میر یوللردن واسع مقیاسده استفاده سنی تأمین ایده جک اولان شوسه و سائر کبی دیگر یوللرک انشاسنده لزوم واردر . شبهه سز ، بونلرک کافه سی معلوم شیلردر .

بوراده شایان اهمیت اولان برشی وارسه ، اوده تورکیه زراعتی ایچون حاضر لامقده اولان پارلاق استقبال بوکوچوک بویوک یوللرک انشاسنی ضروری وفانده لی قیلیمه سیدر .

اولیه زمانلر کله جکدر که ده میر یوللر انشاسی ایچون دولت طرقدن تأمینات آچمسی ویرمه یه لزوم اولیه جکدر . بونک بر آن اول حیز حصوله کلسی ، ده میر یوللرک انشاسی کیفیتک زراعتک ترقیسی مسئله سنه معقول بر صورتده ربط ایدلمسنه منوطدر .

انشا ایدیلجه جک اولان ده میر یوللر ، زراعتک ترقیسنه خادم اولمالیلردر . دولتک ده میر یوللر انشاسی خصوصنده تعقیب ایده جکی سیاستک اساسی بو اولمالیدر . حال بوکه شمدی یه قدر عثمانلی حکومتی ، شمندوفر انشاسی کیفیته آنجق عسکرجه اهمیتلی اولان نقطه نظرده بافقده ایدی . بوکافی دکلدردر . ده میر یوللرینی انشا ایدوبده تره نلری ایشتمه یه باشلا دقدن سکره آللرینی باغلا یه رق بوتشبدن حصوله کله جک نتیجه یه انتظار ایله وقت کچیرمک کافی دکلدردر . استاسیونلرده ذخیره وسائر محصولات زراعیه نك محافظه سی ایچون ده بو انشا ایدلمک لازم اولدینی کبی بو محصولات حقنده اعتبار مالی دخی احداث

ايدىلىدۇر. بوسايەدە زراعتى محصولاتى صاتمقەدە عىجلە ايتىمىز، ذخيره فياتنىك ترفىنى بىكلەيەيلىر. والحاصل زراعتى ايچون اعتبار مالى احداث ايتىمىك لازمىدۇر؛ زىرا سىرمایە تدارك ايتىمىك ايچون اعتبار مالى اولمايىچە زراعتىك زراعتىدە ماكنە وسائىرە كېي وسائىط جديده يى استعمال ايتىمىك امكان خارچىدەدۇر. عين زمانىدە زراعتى سندىقەلرى باخصوص محصولاتىك الويريشلى فياتلە صاتىلىمىك ايچون سندىقەلر تشكىل ايدىلىدۇر؛ بونلر، كرك زراعتىك ترقىسى وكرىك كويليلرك محافظەسى ايچون الزمىدۇر. عكس تقديرده كويليلر، هم فائىزجىلرك هم دە تاجرلرك اختكارلرىنە قربان اولورلر.

يارورسى



سائىمى

اشتقاقى تنقىد

أر طوغان حضرتلىرىنە

(تورك يوردى) نەدىكى مقاله لركى صره ايله تعقيب واستفاده ايتىمىكده يم؛ فقط صوك (۱۶) صايلى نىسخەدەكى فكر لركىز، دها زياده مقصد كىزى ايضاح ايتىمىك اوزرە كىترەيكىز مثاللر بنى ايركىلدى، دوشوندىردى. بيورييورسكىز كه يك مكمل بر صرفه احتياجز وار، لسان اينجەدن اينجە تدقيق ايديله جىك، هر مسأله ايچون شاهدلر كىتريله جىك، احاطەلى برائره وجود ويريله جىك. كوزل بر فكر وامل. ايشته بو تدقيقك نصل و نه ماهيتده اولاييله جىكنى كوسترمك ايچون دە مثاللر كىترييورسكىز.. بو مثاللر دە كوكلرك اك اسكى هويتلر بنى كوسترمك ايستەيورسكىز؛ بونلرى بن طوغرو بولامام، ياخود بن يا كىليورم؛ بونك ايچون، تشريح وايضاحه مساعدەلر بنى تمنى ايدرم.